

aliud caritatum subsidium erogantibus et dantibus darique et erogari ab aliis procurantibus, in eorum testamentis vel extra legantibus et legari persuadentibus, tocians quociens premissa vel aliquod premissorum deuote egerint, singuli nostrum cardinalium centum dies indulgentiarum de iniunctis eis penitentiis misericorditer in Domino relaxamus, presentibus perpetuis temporibus duraturis. In quorum omnium et singulorum fidem et testimonium premissorum presentes literas exinde fieri mandauimus et sigillorum nostrorum appensione iussimus communiri. Datum Rome, anno a natiuitate Domini millesimo quadringentesimo duodecimo, indicione quinta, die xxv mensis Junii, pontificatus sanctissimi in Christo patris et domini, domini Johannis, prouidencia diuina pape vicesimitercii, anno tercio.

1596.

1412 d. 6 Juli.

Skara.

Presterskapet i Skara stift befullmäktigar kyrkopresterne Nils i Sätla och Thor i Ransberg att vara dess ombud vid kyrkomötet i Arboga.

Orig. på perg. i Sv. Riksark.

Omnibus presens scriptum cernentibus vniuersitas cleri dyocesis Scarensis salutem in Domino sempiternam. Cum reuerendus in Christo pater, dominus Johannes, diuina miseracione archiepiscopus Vpsalensis, omnes et singulos suos per regnum Swecie suffraganeos, habituros secum capitulorum suorum procuratores, et sicut ab antiquo consuetudo laudabilis obtinuit de gestis et habitis per dictos dominos suffragiis in conciliis ipsorum synodalibus testes synodales, per literas suas pro prouinciali concilio per eum cum eisdem in opido Arbugensi dominica infra octauas natiuitatis beate virginis proximo futura celebrando mandauerat auctoritate metropolitana conueniri, nos dicti domini nostri archiepiscopi mandatis reuerenter, vt tenemur, obedire volentes, prouidos et circumspectos viros, dominos Nicolaum de Sætetra et Thorirum de Raansbergh ecclesiarum curatos et quemlibet eorum insolidum ad comparendum pro nobis et nomine nostro in dicto concilio nostros generales procuratores facimus et nuncios speciales constituimus ac eciam tamquam emergencium negociorum in dyocesi Scarensi conscios testes eligimus synodales in hiis scriptis, data per nos et concessa eis et eorum cuilibet in solidum pro nobis et nomine nostro proponendi ibidem et respondendi ac omnia et singula faciendi, que circa premissa necessaria seu opportuna fuerint, plenaria et irrevocabili sub ratihabitione nostra potestate. Datum Scaris, anno Domini m^ocd^o duodecimo, in octaua apostolorum Petri et Pauli, sub sigillo nostro communi.

På frånsidan: Tenor pro testibus sinodalibus ad concilium prouinciale mittendis.

Sigillet saknas.